

## Isis & Innana, 6/11j.



### suechet zäme es nöiis Daheime i Wohnigshautig

Sali zäme

Mir sy d'Isis u d'Innana u tätet Dir gärn üsen Wiihnachstwunsch mitteile: mir wünsche üs so sähr es nöiis Daheime. Zäme! Warum? Üses liebs Froueli cha üs nüm versorge, sy het is Heim müesse gah, s'isch nüm gang. U üs het sy leidr nid chönne mitnäh. Drum!

Mi sy 6 u 11jährig, bäscht Fründinne u uuzertrännlich, kaschtriert, gimpft, chippet, gsung u schtuberein. Sähr mönschebezoge, aahänglech, guet erzoge u pflägeliicht u mir liebes ruhig u gmüetlech. Ufm Sofa Höckle u Färnseh Luege u Schmüesele, das isch üseri Wäut. U mir schpiue gärn, mit Bäüüi u Fädeli u dr Angu u Schtinkekisseli u vor auem mit üserem Mönsch, zäme macht das no viu meh Schpass aus allei zu zwöit. Bi Frömde sy mir vorsichtig abr ou nöigiirig u sähr fründlech. We Du üs tuesch bsueche, wärde mir sichr füre choh u Di beschnuppere. U we's passt, denn dörftisch Du üs ou schtriichele. Nei, das isch so nid ganz korräkt, denn MUESCH Du üs schtriichele.

Mir sueche unbedingt zäme es ruhigs Daheime bi so liebi Lüüt wi üses Froueli eis isch. Ohni Hung, Chatz u Ching, das chenne mir nid. Nur Du u mir zwöi! Freigang chenne u bruuche mir nid, viu liebr e grossi Wohnig mit zwingänd gsicheretem Baukon, zum Sünnele u usse Luege. U we Du oft dihei wärsch, wäret mir ou glücklech, mir chenne's eso. Bisch Du villiicht grad früsch pensioniert u oft dihei? Odr arbeitsch Du teilziit odr vo dihei us? U möchtisch Du üs uf Läbänsziit aus Dini Königinne verwöhne u üs lieb habe? U chönntet mir baud bi Dir iizihe? Wiihnachte fiire mit Dir isch wou z'knapp, abr denn? Soviu Wünsch uf einisch, mir wüset's. Abr z'Wiihnachte dörfe sich ou d'Chatze öppis wünsche, hei sy üs gseit. Auso das wär's! Denn müesset mir üs unbedingt lehre chenne. Mir wohnet im Moment no z'Bern/BE, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs scho ganz fescht uf Di. Du wärsch üses bäschtis Wiihnachtsgschänkli!

Dini Isis&Innana



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch